

Qaasuitsup Kommuuniata avinnejarnissaa pillugu Naalakkersuisut kingusinnerpaamik UKA17-imi peqquneqarnissaannik Inatsisartut aalajangiiffigisassaattut siunnersuut. Naalakkersuisut siunnersuusiornerminni aallaavigissavaat, Qaasuitsup Kommuniani kommunalbestyrelsep 29. Juuni 2016-mi ataatsimiinneranni kommunip nutaamik ilusilorsorneqarnissaanut aalajangiunneqarsimasoq. Siunnersuutip aamma Naalakkersuisut Siulittaasuata siusinnerusukkut oqariatuutigisimasaat aallaavigissavaa, maannakkut Qaasuitsumut bloktiskuditut tunniunneqartartoq aningaasaqarnikkut Qaasuitsumi kommunit nutaat aallaavigissagaat.

(Inatsisartunut ilaasortat, Siverth K. Heilmann, Steen Lynge, Atassut)

Borgmesterit borgmesteritut atuunnermik saniatigut aallaavittut allamik suliffeqarsinnaerannik suliffimmilluunniit ingerlatsisinnaerannik pisinnaajunnaartitsumik, Naalakkersuisut kingusinnerpaamik UKA 2017-imi kommunit aqunnejarnerat pillugu Inatsisartut inatsisaanut allannguutissatut siunnersummik saqqummiussinissamik peqquneqarnissaannik Inatsisartuni aalajangiiffigisassatut siunnersuut.

(Inatsisartunut ilaasortaq Ane Hansen, Inuit Ataqatigiit)

Kommunit kattunnerisa kingorna Naalakkersuisut malitseqartitsillutik aaqqissuusseqqissinnaanissamut UKA2017-mut sinaakkutissanik tunngavigisassanillu nassuaasioqqullugit Inatsisartut aalajangiiffissaattut siunnersuut.

(Inatsisartunut ilaasortaq Aqqaluaq B. Egede, Inuit Ataqatigiit)

Akissuteqaat

(Naalakkersuisut Siulittaasuat)

Siullermeerneqarnera

Inatsisartunut ilaasortat Siverth K. Heilmann aamma Steen Lynge, Atassut, Qaasuitsup Kommuuniata avinnejarnissaa pillugu Naalakkersuisut peqquneqarnissaannik Inatsisartut aalajangiiffigisassaattut siunnersuuteqarput.

Ulloq 29. juni 2016 Qaasuitsup Kommuniani kommunalbestyrelsip aalajangerpaa, kommuni kommuninut nutaanut marlunnut avinnejarnissaa kissaatigalugu. Kommunalbestyrelsip siunnersuutaat tunngavigalugu, Naalakkersuisut immikkut inatsisissatut siunnersuusiorsimapput, taassumalu imarai Qaasuitsup Kommuuniata avinnejarnissaa pillugu aalajangersakkat, soorlu communalbestyrelsip siunnersuutigisimasaatut. Inatsisissatut siunnersuut oqaaseqaatitai ilanngullugit Inatsisartut ukiaanerani ataatsimiinneranni matumani oqaluuserisassat ilagaat, 24. oktober 2016 siullermeerneqassalluni.

UKA 2016/83

NSN Suliap normua: 2016-12953

UKA 2016/136

NSN– Suliap normua: 2016-12955

UKA 2016/137

NSN Suliap normua: 2016-12962

Kommunip avinneqarnissaanut inatsisitigut tunngavissat maanna atuutsinnejarnissaanut qinnuteqarnermut siunertaavoq, Naalakkersuisut isumaat malillugu, allannguutit 2017-mi kommuninut qinersineq nallertinnagu atuutsinnissaat sapinngisaq tamaat sulissutigineqartariaqarmat.

Naalakkersuisut neriuutigaat, tamassumap kingorna aalajangiiffigisassatut siunnersuut pisariaarunnissaa siunnersuusiortut isumaqatigissagaat.

Tamanna tunngavigalugu Siverth K. Heilmannip aamma Steen Lyngep, Atassut, Qaasuitsup Kommuuniata avinneqarnissa pillugu aalajangiiffigisassatut siunnersuutaat itigartissutigineqarnissa Naalakkersuisunit innersuussutigineqarpoq.

Inatsisartunut ilaasortap Ane Hansenip, Inuit Ataqatigiit, borgmesterit borgmesteritut atuunnermiik saniatigut allamik suliffeqarsinnaanerannik suliffimmilluunniit ingerlatsisinnaanerannik pisinnaajunnaartitsinissaq siunertaralugu aalajangiiffigisassatut siunnersuut saqqummiuppaat.

Siunnersuuteqartup ilaatigut siunnersuummi innersuussutigai inuussutissarsiutigisap saniatigut inuussutissarsiuteqarnissamut malittarisassat Inatsisartut siulittaasuannut, Naalakkersuisut siulittaasuannut Naalakkersuisunilu ilaasortanut atuuttut.

Inatsisartut Naalakkersuisullu pillugit Inatsisartut inatsisaanni § 25-mi aalajangersarneqarpoq inuit pineqartut invertinnejarnermi nalaani allanik atuuffeqartut inuussutissarsiuteqartulluunniit taakkuningga tunuassasut. Tamatumunnga peqatigitillugu aamma aalajangersarneqarpoq pissutissaqartillugu atuuffiit taakku inuussutissarsiulluunniit pigiinarneqarsinnaasut imaluunniit nutaamik atuuffeqalertoqarsinnaasoq inuussutissarsiuteqartoqalersinnaasorlu.

Naalakkersuisut isumaqarput borgmesteritut atuuffik pingaarutiltsigut atuuffinniit makkunaniit allaanerussuteqartoq. Taamaammat Naalakkersuisut isumaat malillugu atuuffinnut taakkununnga malittarisassat atuuttut borgmesterit atuuffiinut malittarisassat assersuunneqarnissaat mianerisariaqartut.

Naalakkersuisut siulittaasuattut Naalakkersuisunullu ilaasortatut atuuffiit soorunami borgmesteritut atuuffimmut atatillugu assigiissutigivaat Naalakkersuisut borgmesterillu Namminersorlutik Oqartussat kommunillu susassaqarfii ingerlatseqataasarnerat. Ilutigalugulu pingaarutiltsigut akisussaaffiit pisinnaatitaaffiillu ima assigiinngitsigaat toqqaanartumik assersuunneqarsinnaanatik:

- Kommunit aqunneqarnerat pillugu inatsimmi aalajangersagaavoq kommunit susassaqarfii communalbestyrelsinit aqunneqartussaasut. Namminersorlutik Oqartussat susassaqarfii Naalakkersuisunit aqunneqarput.
- Kommunip allaffissornikkut suliassaataasa aaqqissuunneqarnissaat aammalu communaldirektørerimik atorfinitssisarneq soraarsitsisarnerillu communalbestyrelsip akisussaaffigai. Namminersorlutik Oqartussani suliassat taamaattut Naalakkersuisunit isumagineqartarput.
- Aningasaqarnermut ataatsimiititaq kommunip susassaqarfii isticumaginnittussaq communalbestyrelsip pilersittarpaa. Namminersorlutik Oqartussat susassaqarfii aqunneqarnissaat Naalakkersuisut isumagisarpaat.

- Kommunit aqunneqarnerat pillugu inatsit naapertorlugu borgmesterip nammineerluni piginnaatitaaffii pingaarcerusutigut imatut killiligaapput:
 - kommunalbestyrelsi sinnerlugu suliassanik kinguartinneqarsinnaanngitsunik imaluunniit nalornisoorutaasinnaanngitsunik aalajangiinissaq,
 - kommunip ulluinnarni allaffissornikkut aqunneqarneranik isumaginninnissaq aamma communalbestyrelsip ataatsimiitallu ataatsimiinnerini kiffartuussinissaq,
 - kommunip ingerlatsinerani pisariaqartumik akuersissumvik peqartoqartinnagu aningaaasartuuteqartoqaranilu isertitaqartoqannginnissaanik isumaginninnissaq.

Aamma borgmesteri pisussaavoq kommunimi aqutsinermut ileqqoreqqusaq kommunalbestyrelsip akuerisimasaa malillugu borgmesterip suleriaasisaaanik aaqqissuussinissamut, soorlu communalbestyrelsip assuarnartumik pisoqartillugu borgmesteri atuuffianik suliassaanillu arsaarsinnaagaa. Kiisalu nalinginnaasumik atuuppoq kommunit ingerlatsinerannik Naalakkersuisut nakkutilliisussaanerat.

Taamaammat Naalakkersuisut isumaat malillugu borgmesterip akisussaaffii pisinnaatitaaffiilu Naalakkersuisut akisussaaffiinut pisinnaatitaaffiinullu assersuunneqarsinnaanngillat.

Tamatuma soorunami borgmesteritut atuuffiup piffissaq tamakkerlugu suliffiunissaa allanngortinngila. Taamaattoq kommunit aqutsinermik aaqqissuussaanni piumasaqaataanngilaq. Tamanna Naalakkersuisut imatut isumaqartutut paasivaat, Inatsisartut naapertuuttuusorigaat borgmesteritut atuuffeqarnermi allamik suliffeqarsinnaaneq ingerlataqarsinnaanerluunniit. Tassunga atatillugu kommunit kattussuunneqarnerisa siorna kingornalu borgmesteritut atuuffeqarnermut malittarisassat assigiinngissuseqannigillat.

Aalajangiiffigisassatut siunnersuut saqqummiunneqartoq ataatsimut isigalugu borgmesterit allamik suliffeqarsinnaanerannik suliffimmilluunniit ingerlatsisinnaanerannik pisinnaajunnaartitsinissamik siunertaqartoq Naalakkersuisunit isumaqatigineqarsinnaanngilaq. Oqaaseqaatit saqqummiunneqartut tunngavigalugit Ane Hansenip, Inuit Ataqatigiit, kommunit aqunneqarnerat pillugu Inatsisartut inatsisaanut aalajangiiffigisassatut siunnersuutaa itigartitsissutigineqarnissaa Naalakkersuisut inassutiginiarpaat.

Inatsisartunut ilaasortaq, Aqqaluaq B. Egede, aalajangiiffigisassatut siunnersuuteqarpoq, Kommunit kattunnerisa kingorna Naalakkersuisut aaqqissusseqqissinnaanissamut UKA2017-mut tunngavigisassanillu nassuiaasioqqullugit.

Pisortat suliassaqarfiinik aaqqissusseqqinnissaq pillugu isumaliutissiissut Inatsisartut 2006-mi akueraat, 2009-milu kommuunit 18-niusimasut kommuunit maanna piusunut 4-nut kattussorneqarlutik. Naak aallartisarnermi unammillernartoqaraluartoq, kommuunit nutaat aningasaqarnerat maanna pitsanngoriarsimapput, suliassatillu aaqqissuuppaat.

Aaqqissusseqqinnej Naalakkersuisunit nalilersorneqarsimavoq. Maanna arlalinnik nalunaarusiaqarpoq inerneqarlunilu, qinikkat sulinermini atorsinnaasaannik. Suliniutit pingaarutillit aallartisarneqareerput, assersuutigalugu missingersuutit pillugit suleqatigiinnissamut isumaqatigiissut. Juni 2015-mi pisortat ataatsimeersuarneranni Naalakkersuisut kommuunillu aaqqissusseqqinnerup nalilersornera pillugu eqartueqatigiipput. Tassani aaqqissusseqqinnermut tunngaviusut attatinnarneqassasut isumaqatigiissutigineqarpoq, ilaatigut kommuunit angissusaat allallu pineqarlutik.

Aalajangiiffigisassatut siunnersummi tunngavilersuutinut tunngatillugu, ikinngutinnersumik Naalakkersuisut malugeeqqaat, kommuunit aaqqissuunneqarnerat allanngortinneritigut imminnik innuttaasut inooriaatsiannik pitsangorsaataanaviannngimmat. Naalakkersuisut isumaqarput, nuna tamakkerlugu aaqqissusseqqinnikkut iliuuseqartoqartariaqartoq, qinikkat amerlassusaat sumiiffilu allanngortinnagit, kommuunillu akornanni nutaanik killilersuinani. Taamaattorli Qasuitsup Kommuniata avinneqarnissaanut innuttaasut taasinerat tunngavigalugu, Qasuitsup Kommuniata avinneqarnissaanut inuiaqatigiit kissaataat Naalakkersuisut naapikkusuppaat, inatsisitigullu suliassat pisariallit aallartisarsimavagut.

Naalakkersuisut aamma isumaqarput, inuiaqatigiit najukkami tamat oqartussaanerannut sulianut peqataanerat ullumikkumiit nukittunerusariaqlunilu nukittunerusinnaasoq. Tassunga tunngatillugu aaqqissusseqqinnejq pitsasumik sunniuteqarsimanngilaq. Ilutigaluguli eqqumaffigineqassaaq, kommuunit aqunneqarnerat pillugu inatsimmi kommuunit innuttaasut najukkami politikkikkut peqataanerutilernissaannut periarfissinnejqarmata, ass. najukkami ataatsimiitalianik atuisunullu siulersuisunik pilersitsinikkut. Inuiaqatigiit aalajangeeqataanissamut periarfissaqarnerulerpata, inuiaqatigiit pimoorussinerat annertusinissa sunniuteqaqataanissamullu periarfissat atorluarneqarnerunissaat naatsorsuutigineqarsinnaavoq.

Suliaq pillugu ammasumik oqaloqatigiinnissamut Naalakkersuisut peqataalluarsinnaapput, Inatsisartulli 2006-mi aalajangigaannut massakkuugallartoq allannguinissaq Naalakkersuisut tapersersinnaanngilaat. Aaqqissusseqqinnerup iluaqtissartaasa piviusunngortinnissaannut kommuunit piffissalerneqarnissaat pisariaqarpoq.

Taamak oqaaseqarlutik Naalakkersuisut Aqqaluaq B. Egedep aalajangiiffigisassatut siunnersuuta, Kommuunit kattunnerisa kingorna Naalakkersuisut aaqqissusseqqissinnaanissamut itigartissutigineqarnissa innersuussutigaat.